

類無邊佛土功德經

三藏法師玄奘奉 詔譯

如是我聞一時薄伽梵在摩揭陀國閑寂法
林坐妙菩提金剛堅固無量妙寶共所莊嚴
紅蓮華臺師子座上與十不可說俱那庾
多百千佛土極微塵數大菩薩俱及諸天人
阿素洛等無量大衆前後圍繞

爾時會中有一菩薩摩訶薩名不可思議光
王承佛威神從座而起頂禮佛足合掌恭敬
而白佛言世尊諸佛國土時分莊嚴有勝劣
不佛言善男子我此素訶世界釋迦牟尼佛
土一切於極樂世界無量光佛土為一晝夜
極樂世界一切於迦沙幢世界金剛堅固歡
喜佛土為一晝夜迦沙幢世界一切於不退
輪音世界極妙圓滿紅蓮敷身佛土為一晝
夜不退輪音世界一切於絕塵世界法幢佛
土為一晝夜絕塵世界一切於明燈世界師
子佛土為一晝夜明燈世界一切於妙光世
界遍照佛土為一晝夜妙光世界一切於難
超世界身放法光佛土為一晝夜難超世界
一切於莊嚴世界一切神通慧光正佛土為
一晝夜莊嚴世界一切於鏡輪世界月覺佛
土為一晝夜善男子如是世界候轉漸增
滿十不可說俱那庾多百千佛土極微塵數

子佛土為一晝夜明燈世界一切於妙光世
果遍照佛土為一晝夜妙光世界一切於難
超世界身放法光佛土為一晝夜難超世界
一切於莊嚴世界一切神通慧光王佛土為
一晝夜莊嚴世界一切於鏡輪世界月覺佛
土為一晝夜善男子如是世界屢轉漸增
滿十不可說俱那更百千佛土極微塵數
世界佛土最後世界佛土一切於蓮華德世
界賢德佛土為一晝夜於彼世界諸菩薩眾
備治殊勝普賢行地善男子如諸世界晝夜
漸增如是諸佛壽量身相菩薩世界莊嚴亦
今由彼有情福轉增故若有善男子善女人
聞此顯示無邊佛土功德法門歡喜信重受
持讀誦如理思惟廣為他說臨命終時十方
佛土無量諸佛時現其前慰喻讚美令其增
進無量善根隨願往生諸佛淨國乃至無上
正等菩提於生生中常憶宿命脩菩薩行速
得圓滿

時薄伽梵說此經已不可思議光王菩薩摩
訶薩并諸天人阿素洛等一切眾會聞佛所
說皆大歡喜信受奉行

顯無邊佛土功德經

奉寫千卷

僧正良并

書佛土功德經後

皇國佛法之興隆也實依基 辨兩公
之力矣鼎建遮那大偽鎮護
國家無窮之寶祚可謂萬世不朽之盛
事矣野州宇都宮清嚴寺長上人藏佛

土力惡

時薄伽梵說此經已不可思議光王菩薩摩訶薩并諸天人阿素洛等一切聚會聞佛所說皆大歡喜信受奉行

顯無邊佛土功德經

奉寫千卷

僧公良并

書佛土功德經後

皇國佛法之興隆也實依基 辨兩公之力矣鼎建遮那大偽鎮護

國家無窮之寶祚可謂萬世不朽之盛事矣野州宇都宮清嚴寺長上人藏佛

土功德經一卷即 金鷲菩薩真蹟而書寫千卷之一也筆力遒勁神采奕

令人不覺絕叫焉蓋書此經以祈法門之光熾也遮那之銅偽木又之瑤壇一

時振起可不謂精修之所致乎然則此經 菩薩精神所鍾而大灑恢張之皇

蹟也吾儕沐法流而蒙福田之恩蓋薰盥稽首而捧讀之乎竟與上人相謀摸

倣繡梓以頌諸同好者云

安政己未仲春

緣山南溪竺 徹定敬識

北條 霞外山鴉拜書時年七十五



清嚴寺印施 福田金齋刀

顯無邊佛土功德經

